



1. Identificación da programación

Centro educativo

Código	Centro	Concello	Ano académico
36013448	Manuel Antonio	Vigo	2024/2025

Ciclo formativo

Código da familia profesional	Familia profesional	Código do ciclo formativo	Ciclo formativo	Grao	Réxime
SAN	Sanidade	CSSAN09	Hixiene bucodental	Ciclos formativos de grao superior	Réxime de proba libre

Módulo profesional e unidades formativas de menor duración (*)

Código MP/UF	Nome	Curso	Sesións semanais	Horas anuais	Sesións anuais
MP0733	Intervención bucodental	2024/2025	0	213	0

(*) No caso de que o módulo profesional estea organizado en unidades formativas de menor duración

Profesorado responsable

Profesorado asignado ao módulo	EVA RODRÍGUEZ GREGORES,PAULA ESTÉVEZ COSTA
Outro profesorado	

Estado: Pendente de supervisión inspector



2. Resultados de aprendizaxe e criterios de avaliación

2.1. Primeira parte da proba

2.1.1. Resultados de aprendizaxe do currículo que se tratan

Resultados de aprendizaxe do currículo
RA1 - Realiza seladuras de fosas e fisuras, en relación coas características das superficies dentarias
RA2 - Aplica fluoruros tópicos, e describe os tipos e as técnicas de aplicación
RA3 - Elimina cálculos dentais, seleccionando a técnica adecuada
RA4 - Elimina tinguaduras dentais extrínsecas, logo de seleccionar a técnica adecuada
RA5 - Efectúa a pulidura de obturacións dentarias, logo de seleccionar as técnicas correspondentes
RA6 - Elimina a placa bacteriana da cavidade bucodental, e selecciona métodos de control e eliminación
RA7 - Aplica técnicas de control da hipersensibilidade dentinaria, en relación coa etiloxía das lesións da superficie dentaria

2.1.2. Criterios de avaliación que se aplicarán para a verificación da consecución dos resultados de aprendizaxe por parte do alumnado

Criterios de avaliación do currículo
CA1.1 Identifícanse as superficies dentarias que cumpra selar
CA1.2 Diferenciáronse os tipos de resinas utilizados como material selador
CA1.4 Illouse o campo operatorio
CA1.7 Identifícanse os erros máis comúns na aplicación da técnica
CA1.8 Cumpríronse os criterios de calidade en todas as fases da seladura
CA1.9 Determináronse as indicacións individuais e colectivas no emprego de seladores de fosas e fisuras



Criterios de avaliación do currículo
CA1.10 Identificáronse as pautas de revisión no emprego de seladores
CA2.1 Definíronse os tipos de fluoruros
CA2.2 Determináronse as indicacións na aplicación de fluoruros
CA2.3 Determinouse a posoloxía de fluoruros
CA2.4 Clasificáronse as técnicas de aplicación de fluoruros tópicos
CA2.5 Preparouse o material necesario para realizar unha aplicación de flúor en cubetas
CA2.8 Identificáronse os erros máis comúns na aplicación da técnica
CA2.9 Definíronse as recomendacións posteriores á aplicación do flúor
CA3.1 Definíronse os tipos e as causas dos cálculos dentais
CA3.2 Identificáronse as superficies máis frecuentes de aparición dos cálculos dentais
CA3.3 Definíronse técnicas de tartrectomía, raspadura, pulidura e alisadura radicular
CA3.4 Enumeráronse as indicacións e as contraindicacións segundo as características do/da paciente
CA3.8 Definíronse as medidas de prevención de cálculos
CA3.9 Identificáronse as complicacións e as súas medidas correctoras
CA3.11 Verificouse que a superficie quede libre do cálculo
CA4.1 Definíronse as tinguaduras dentais extrínsecas
CA4.2 Definíronse técnicas de eliminación de tinguaduras dentais extrínsecas e as súas causas
CA4.5 Definíronse as medidas de prevención



Criterios de avaliación do currículo
CA4.8 Valorouse a aplicación posterior de técnicas de branqueamento dental
CA5.1 Identificáronse as superficies dentarias que se vaian puír
CA5.2 Definíronse os criterios que xustifican a pulidura das obturacións
CA5.3 Identificáronse os tipos de materiais que cumpra puír
CA5.4 Clasificouse o instrumental abrasivo segundo o material que haxa que puír
CA5.8 Verificouse que a superficie puída non interfira na oclusión
CA6.1 Clasificáronse os tipos de cepillos, sedas dentais e outros métodos mecánicos para a eliminación da placa
CA6.2 Clasificáronse os métodos químicos para o control da placa
CA6.3 Relacionouse a composición de colutorios e pastas dentais co control da placa
CA6.5 Instruíuse na aplicación de técnicas de hixiene bucodental
CA6.6 Enumeráronse medidas de prevención da placa bacteriana
CA6.7 Tipificáronse as medidas para o control da placa bacteriana nas próteses dentais
CA6.8 Definíronse os criterios de realización dun programa de control de placa na clínica dental
CA7.1 Enumeráronse os estímulos causantes de hipersensibilidade dentinaria
CA7.2 Identificouse a etioloxía da hipersensibilidade dentinaria
CA7.3 Describíronse os síntomas da hipersensibilidade dentinaria
CA7.4 Comprobouse a hipersensibilidade dentinaria mediante exploración
CA7.5 Clasificáronse as preparacións desensibilizantes usadas no control da hipersensibilidade dentinaria



2.2. Segunda parte da proba

2.2.1. Resultados de aprendizaxe do currículo que se tratan

Resultados de aprendizaxe do currículo
RA1 - Realiza seladuras de fosas e fisuras, en relación coas características das superficies dentarias
RA2 - Aplica fluoruros tópicos, e describe os tipos e as técnicas de aplicación
RA3 - Elimina cálculos dentais, seleccionando a técnica adecuada
RA4 - Elimina tinguaduras dentais extrínsecas, logo de seleccionar a técnica adecuada
RA5 - Efectúa a pulidura de obturacións dentarias, logo de seleccionar as técnicas correspondentes
RA6 - Elimina a placa bacteriana da cavidade bucodental, e selecciona métodos de control e eliminación
RA7 - Aplica técnicas de control da hipersensibilidade dentinaria, en relación coa etiloxía das lesións da superficie dentaria

2.2.2. Criterios de avaliación que se aplicarán para a verificación da consecución dos resultados de aprendizaxe por parte do alumnado

Criterios de avaliación do currículo
CA1.3 Preparouse o material para colocar o selador
CA1.4 Illouse o campo operatorio
CA1.5 Acondicionouse a superficie dentaria que cumpra tratar
CA1.6 Aplicouse o material selador mediante as técnicas pertinentes
CA1.8 Cumpríronse os criterios de calidade en todas as fases da seladura
CA1.11 Acondicionouse o/a paciente seguindo os protocolos de seguridade e respecto durante a aplicación da técnica
CA1.12 Cumpriuse a normativa de prevención de riscos e protección ambiental



Criterios de avaliación do currículo
CA2.5 Preparouse o material necesario para realizar unha aplicación de flúor en cubetas
CA2.6 Acondicionouse a superficie dentaria que cumpra tratar
CA2.7 Realizouse a aplicación de flúor en cubetas
CA2.10 Acondicionouse o/a paciente seguindo os protocolos de seguridade e respecto durante a aplicación da técnica
CA2.11 Cumpriuse a normativa de prevención de riscos e protección ambiental
CA3.5 Preparáronse os materiais e o instrumental necesarios para a eliminación de cálculos dentais
CA3.6 Realizáronse as técnicas de eliminación de cálculos e pulidura de superficie
CA3.7 Utilizouse a visión correcta na eliminación do cálculo dental
CA3.10 Mantívose unha actitude de orde, limpeza e método nas fases do proceso
CA3.11 Verificouse que a superficie quede libre do cálculo
CA3.12 Acondicionouse o/a paciente seguindo os protocolos de seguridade e respecto durante a aplicación da técnica
CA3.13 Cumpriuse a normativa de prevención de riscos e protección ambiental
CA4.3 Preparáronse materiais e instrumental necesarios para a súa eliminación
CA4.4 Realizáronse as técnicas de eliminación de tinguaduras dentais extrínsecas
CA4.6 Desenvolveuse o traballo con orde, limpeza e método
CA4.7 Verificouse que a superficie quede libre de tinguaduras dentais extrínsecas
CA4.9 Acondicionouse o/a paciente seguindo os protocolos de seguridade e respecto durante a aplicación da técnica
CA4.10 Cumpriuse a normativa de prevención de riscos e protección ambiental



Criterios de avaliación do currículo
CA5.5 Preparouse o material necesario para realizar a pulidura
CA5.6 Seleccionouse a velocidade de rotación e a refrixeración
CA5.7 Realizouse a pulidura de obturacións
CA5.8 Verificouse que a superficie puída non interfira na oclusión
CA5.9 Acondicionouse o/a paciente seguindo os protocolos de seguridade e respecto durante a aplicación da técnica
CA5.10 Cumpriuse a normativa de prevención de riscos e protección ambiental
CA6.4 Aplicáronse as técnicas de revelado de placa bacteriana
CA6.5 Instruíuse na aplicación de técnicas de hixiene bucodental
CA7.4 Comprobouse a hipersensibilidade dentinaria mediante exploración
CA7.6 Aplicouse a preparación desensibilizante adecuado a cada caso
CA7.7 Aplicáronse os criterios de calidade en cada fase do proceso
CA7.8 Acondicionouse o/a paciente seguindo os protocolos de seguridade e respecto durante a aplicación da técnica
CA7.9 Cumpriuse a normativa de prevención de riscos e protección ambiental

3. Mínimos exixibles para alcanzar a avaliación positiva e os criterios de cualificación

MÍNIMOS ESIXIBLES:

Todos os contidos teóricos e prácticos da presente programación son considerados como mínimos esixibles.

CRITERIOS DE CUALIFICACIÓN:



A valoración da adquisición dos resultados de aprendizaxe de cada módulo profesional levarase a cabo a través da realización das dúas partes da proba, pola persoa aspirante, ante o profesor do módulo:

a) Primeira parte. Terá carácter eliminatorio e consistirá nun exame escrito que versará sobre unha mostra suficientemente significativa dos criterios de avaliación establecidos na programación para esta parte.

O/a profesor/a do módulo profesional calificará esta primeira parte da proba de cero a dez puntos. Para a súa superación as persoas candidatas deberán obter unha puntuación igual ou superior a cinco puntos (cinco sobre dez).

b) Segunda parte. As persoas aspirantes que superen a primeira parte da proba realizarán a segunda, que tamén terá carácter eliminatorio e consistirá no desenvolvemento de varios supostos prácticos e/ou a realización práctica de un ou varios supostos, que versarán sobre unha mostra suficientemente significativa dos criterios de avaliación establecidos na programación para esta parte.

O/a profesor/a do módulo profesional calificará esta segunda parte da proba de cero a dez puntos. Para a súa superación as persoas candidatas deberán obter unha puntuación igual ou superior a cinco puntos. As persoas que non superen a primeira parte da proba serán cualificadas cun cero nesta segunda parte.

O/a profesor/a poderá excluir de calquera parte da proba do módulo profesional as persoas aspirantes que leven a cabo calquera actuación de tipo fraudulento ou incumpran as normas de prevención, protección e seguridade, sempre que poidan implicar algún tipo de risco para si mesmas, para o resto do grupo ou para as instalacións, durante a realización das probas. Neste caso, o/a profesor/a do módulo profesional calificará esa parte da proba do módulo cun cero.

AVALIACIÓN, CUALIFICACIÓN E RECLAMACIÓN:

1. A avaliación da proba libre realizarase nos termos previstos no artigo 37 da Orde do 12 de xullo de 2011 e a expresión da cualificación final obtida por cada aspirante será numérica, entre un e dez, sen decimais.

2. A calificación final correspondente da proba do módulo profesional será a media aritmética das cualificacións obtidas en cada unha das partes, expresada con números enteiros, redondeada á unidade máis próxima. No caso das persoas aspirantes que suspendan a segunda parte da proba, a puntuación máxima que poderá asignarse será de catro puntos.

3. As persoas aspirantes poderán presentar reclamación contra as cualificacións finais alcanzadas do módulo no CFP Manuel Antonio, consonte o procedemento establecido no artigo 45.2 da citada Orde do 12 de xullo de 2011. As referidas reclamacións deberán basearse nalgún dos seguintes aspectos:

a) A avaliación que se levou a cabo non foi adecuada aos resultados de aprendizaxe e os criterios de avaliación recollidos na correspondente programación.

b) Os instrumentos de avaliación aplicados foron inadecuados, conforme o sinalado na programación.

c) A aplicación dos criterios de cualificación establecidos na programación para a superación das partes da proba do módulo profesional non foi correcta.

4. Características da proba e instrumentos para o seu desenvolvemento

4.a) Primeira parte da proba

Proba tipo test de resposta única, na que se desenvolverán todos aqueles CA (criterios de avaliación) sinalados anteriormente (apartado 2.b).

As pautas para a realización de dita proba son as seguintes:

-As preguntas mal respostadas puntuarán negativo, cunha proporción de 2:1 (é dicir, cada dúas preguntas mal respostadas, restará unha ben).

-As preguntas non respostadas non puntuarán negativamente.

-Para a superación desta proba, o alumnado deberá acadar unha puntuación mínima dun cinco.



- A duración máxima da proba teórica será de dúas horas.
- Únicamente serán correxidas as respostas recollidas na planilla de respostas proporcionada polo profesorado, as cales deben ser perfectamente lexibles. No caso contrario ou dobre resposta, contarán como negativa.
- Non se permitirá o acceso á sala do exame con móbiles ou con calquera outro dispositivo electrónico.
- Será necesaria a identificación mediante o DNI ou pasaporte, que deberá estar a disposición do profesorado, sobre a mesa.
- Ao finalizar a proba, deixárase a planilla de respostas volteada enriba da mesa, xunto cas preguntas do exame. Non estará permitido sacar da aula onde se realiza a proba ningún documento.

INSTRUMENTOS NECESARIOS PARA O SEU DESENVOLVEMENTO:

- Para a realización da proba será necesario o uso de bolígrafo azul ou negro (non sendo válido o vermello ou verde). Non se permite a presenza de ningún outro obxecto enriba da mesa.

4.b) Segunda parte da proba

Resolución de varios supostos prácticos e a realización práctica de un ou varios dos supostos, que desenvolverán os CA (criterios de avaliación) sinalados no punto 2.b desta programación.

As pautas para a realización de dita proba son as seguintes:

- Para a superación desta proba, o alumnado deberá acadar unha puntuación mínima dun cinco e superar os mínimos esixibles.
- A duración máxima da proba será de tres horas. A cada alumno/a se lle asignará un tempo concreto para a realización desta segunda parte.
- Será necesaria a identificación mediante o DNI ou pasaporte, que deberá estar a disposición do profesorado.
- Non se permitirá o acceso á sala do exame con móbiles ou con calquera outro dispositivo electrónico.

INSTRUMENTOS NECESARIOS PARA O SEU DESENVOLVEMENTO:

- Bata branca (no caso de non tela, aportaráselle unha do centro educativo).
- Mascarilla e protector facial.
- Bolígrafo azul.
- Non se permitirá a utilización de aparellos tecnolóxicos nin soporte bibliográfico.
- O profesor aportará o material necesario para a realización da práctica.